


Суредын – Бердыш, кылбурын – Флор

Йоскалык библиотекалэн «Удмурт шаер» клубаз ортчис «Бердыши» альбомен тодматскон. Ужрад сйезеын вал кылбурчилэн Флор Васильевлэн вордскемез дырысен 88 ар тырмонэзлы.

Та бичетэ пыризы Сергей Васильевлэн (Ф. Васильевлэн пиезлэн) Яр ёросысь Бердыш гуртлы сйезем суредьёсыз но поэтлэн Владислав Шиховлэн кылбурьёсыз. Кыззы кылдйз та альбом?

— Мон соку ужтэк пукисько вал, — веранээ мытэ Сергей Флорович, — мынй лавкае, басьтй көсвөй, мастихин (суредаськон арбери) но буёлёс. 6 час лэстыны выри нырысетй суредме, ачим но, котыры но копак буёлэсь вал. Но 5 час курадэме бере суред кельшыны кутскиз кадь суредлы. Мон номыре уг валаськы суредан искусствын, уг но куриськиськы отчы. Та альбом матысь чыжы-выжыосылы синпель кузьым выллем малпамын вал. Но Бердыше вуылыса, мынэсьтым тодэ ваёнъёсме кылзыса, Флор Васильевлэсь зуч кылэ берыктэм чурьёссэ лыдзыса, кылбурчи Владислав Шихов шөдйз кадь со Бердыш омырез, гожтиз нырысетй кылбурзэ, собере эшшо огзэ, бөрысь — эшшо. Озы кылдйз та альбом.

Сергей Флорович малпамъя, солэсь ужьёссэ зэмос художникъёс курлалозы, вылды, уго соос суредан кабьёсты



Владислав Шихов но Сергей Васильев «Бердыши» альбоменызы.

валатэк быдэстэмын. Но Удмурт кун университетысь суредан искусствосья но чеберлыко культура кафедрасы тодосчылы Елена Плехановалы соос туж кельшизы:

— Малпаськись адыми весь ассэ тутча. Нош кытысь астэ тутчано? Инкуазысь. Кылсярысь, нюлэс туж трос юанъёслы валэктон сётэ. Малы ке шуоно инкуазь — черк выллем, тон отын лул-сюлэмдэ буйгатиськод. Монэ паймытйз та альбомысь тулыс суред. Нырысь учкыса, ой вала, малы кызыпуосы обросьёс ошемын, нош со

шырчик каръёс вылйллям. Та альбомын туж трос буйгатйсь но мылкыдзэ жутйсь суредьёс.

С.Васильевлэн суредьёсаз өвёл адымиос, отын инкуазь гинэ. Ма, туннэ Бердышын улэ 1 адыми гинэ, кибашлы воргорон Николай Дементьев. Нош Владислав Шиховлэн кылбурьёсаз адымиос но пичи дырысь тодэ ваёнъёс, тылобурдо-пöйшур куараос но кырзан-вераськонъёс кылйсько.

Владислав Шихов тодаз вайиз, кыззы Бердыш сярысь кылбурьёс гожъяз:

— Бердыше мон вуылй 3 пол. Ас синмыным адэме потйз Бердышез, Мой шурез, Шамашур нюлэсэз... Альбомез лэстыны кутскон азын мон лыдйи Ф. Васильевлэсь зуч кылэ берыктэм кылбурьёссэ, С. Васильевлэсь «Эхо в лесу» книгазэ. Мынам син азым туж яркыт пуксиз одйг учыр, кудзэ вераз Сергей Флорович. Кыззы соос атаеныз уйин бускель гуртысь доразы бертизы. Флор Васильев кияз 2 банка чечыен вamyшъям, пиез — мышказ. Пеймыт тэлети мыныкуз, пиосмурт огпол но өвёл канжаськем, кожалод, солэсь сюрессэ кин ке югдытйз. Озы кылдйз та сярысь кылбур, собере эшшо 19 кылбур гожти на. Нялтас вераса, чечыен дораз бертись Ф. Васильев сярысь кылбурез литературовед Виктор Шибанов удмурт кылэ берыктйз:

*Копак пеймыт, гужем сюрес,
мон учкисько музэ.
Вылэ чечыен кык банкаез атай
киаз возе.*

Чапак тазы, удмурт сямен, кутске В. Шиховлэн кылбурез.

Вылэ потэм альбом, Ф. Васильевлэн творчествоез но улон-вылонэз сярысь веразы «Инвожо» журналлэн редакторез Пётр Захаров, литературоведъёс Виктор Шибанов но Марина Серова.